


John Carter Brown.
Harold Brown.



BOUND BY P. W. SMITH



Yin-yo # 299

C

CATHECISMO

(:) BREVE, (:))

QUE PRECISSAMENTE DEVE
saber el Christiano.

DISPV ESTO

*En Lengua Mexicana por el Licenciado
Don Antonio Vasquez Casteln el Rey
de Figueroa, Cathedratico que fuè, de
dicha Lengua, en los Reales Colegios
de S. Pedro, y S. Juan.*

Y saliò à luz de orden de el Ill.^{mo} y Exc.^{mo}
Sr. Doct. D. Manuel Fernandez de Santa-
cruz, Obispo, que fuè, de este Obispado de
la Puebla de los Angeles, del Consejo
de su Magestad, &c.



REIMPRESSO EN LA PUEBLA:

Por la Viuda de Miguel de Ortega, en el Portal
de las Flores, donde se vende. Año de 1733.

Escritura 112

Licencia del Ordinario.

EL Lic. D. Joseph de Yurralde, Abogado de los Reales Consejos, Provisor, Gobernador, y Vicario General de este Obispado de la Puebla de los Angeles: concediò su Licencia para esta reimpression, a viendolo mandado reconocer al Lic. Don Miguel Valero del Castillo, Cura Rector del Sagrario de esta Santa Iglesia Cathedral; al Lic. Don Nicolas Bañuelos Cabeza de Baca, Cura de la Parrochial de Señor San Joseph; y al Dr. Don Domingo Miguel de Aranda, Cura de la Parrochial de San Sebastian, Synodales de dicho Obispado, quienes le reconocieron, y aprobaron, y en cuya conformidad se concediò dicha Licencia, mandando, que antes de imprimirse se llevasse al Juzgado, para reconocer si està fielmente copiado; assi lo proveyò, mandò, y firmò en 20. de Diciembre, de 1724. años.

Lic. Yurralde.

Ante mi por el publico:

Antonio de Vargas.

Not. Recept.



CATHECISMO

:<: BREVE. :<:

DE LO QUE PRECISAMENTE DEVE SABER
el Christiano, en lengua Mexicana.

El Perſignum Crucis.

YPAMPA ymachio in Cruz, inihuicpa intoyao-
huan; maxitechmomaquixtili; toteçúye; Dios e,
ycaztinco ynitocatzin, in Dios Tetatzin, ihuan Dios
Ypiltzin; ihuan Dios Espiritu Santo. Maiuhmochihuaç

Izcatqui in Totatzin e.

TTOTATZIN E, ynihuicac timoyeztica, mayec-
tenehualo inmotocatzin, mahualauh inmotlato-
cayotzin, machihualo intlatlicpac inmotlanequilitzin, in
yuchihualo inihuicac, intotlaxcalmomoztla e, totech
monequi maaxcan xitechmomaquili, maxitechmotlapo-
polhuili intotlatlacol, in iuh tiquintla popolhuia intech
tla tlacalhuia, macamoxitechmomacahuili, inicamo ipan
tihuetzizque in teneyeyecoltiliztli: çanye xitechmoma-
quixtili inyhuicpa in amoqualli. Maiuhmochihua.

Izcatqui in Santa Maria e.

MAximopaquilitie Santa Maria e, timotemilti-
tica inçenquizca yeçtiliztica gracia, monahuac-
ztinco moyeztica intheotlatoani Dios; çencariyeçtene-
hualoni intlan inixquichinçihua, ihuan çenca yeçtene-

hualoni in itlaquilò mōxilañtzin Jēsus. Santa Maria e mochipa huelnelli ichpochtziñtē Dios inantzin e, matopan ximotlatōlti in titlatlacoanime, in axcan ihuan in iquac ye tomiquiliz tempan. Mañuhmochihua.

Izcatqui in Neltocōni.

NIC moneltoquitia inçenhuelitini Dios Tetatzin, in oquiyocox, oquimochihuili in ilhuicatl, ihuan intlakicpatli. Nonicmoneltoquitia in Jēsu-Christo inçanhueliçeltzin Ypiltzin, ihuan totlatocatzin, omōnacayotitzino itlamahuicōltica Espiritu Santo, auh itech omotlacatilitzino in Santa Maria mochipa huel nelli ichpochtziñtli. Auh omotlaihyohuili itlatocayopan in Poncio Pilato, Cruz itech quauhnepanoltitech omaçoaltiloc, omomiquili, ihuan otococ, auh omotemohui miçtlan, eiilhuitica omoizcalitzino intlan in mimique, omotlecahui ilhuicac imayec campatzinco mehuilitica inçenhuelitini Dios Tetatzin. Auh icompa hualmehuitiz inquinmotlatzontequililiquih in yolque, ihuan in mimique. Nonicmoneltoquitia in Dios Espiritu Santo, ihuan nicneltoca camoyeztica Santa Iglesia Catholica Romana. Nonicneltoca caonca inneçepan icneliliz in Santome. Nonicneltoca caonca tlatlacolpolihuiliztli, ihuan nicneltoca camochihuaz ininezcaliliz intonacayo, ihuan nicneltoca caonca çemicac yoliliztli.

Mañuhmochihua.

Izcatqui in Cihuapille.

CIHUAPILLE maximopaquiltitē, totetlaocoliliz nantzin e, toyoliliz e, totzopelicayoliliz e, tōne-

remächializ e , maximopaquiltitit timitzontótatzililia,
 in tielatoāin in tipilhuan Eva, mohuicāinco tonel çīçihui,
 tzinchoquiliztica , ihuan choquiztica in nicanchoquiz
 ixtlahuacan. Macuelec torepantlatocatzin e, matohuicpa
 xiqualmocuepili inmotetlaocoliliz ixtololōtzin : Auh in
 ye orzonquiz inlalcipac tototoca , maxitechmoititili,
 inçenquizca yeçtenehualoni Jesus initlaquilo moxilantzin
 yio icnohuacatzinte, çenquizca ichpochtztinte, Santa
 Maria e. Matopan ximotlatolti, Dios inantzine, inic,
 ticicnopilhuizque initlatenehualtzin in Jesu-Christo.

Maiahmochihua.

Izcatqui in Theotenahuatilli.

Y Nitenahuatiliz in tototecuiyo Dios camatlatetl ;
 in etel achto motenehua itechtzincopohui ini-
 mahuitzililocatzin intotecuiyo Dios , auh inchicon-
 tetl itechpohui inimpalehuiloca intohuampohuam: Inic
 çentetl , ticmorlaçotiliz , ihuantiçmomahuiztililiz , in-
 tototecuiyo Dios ipannochi in ixquich inqueztquich tlachi-
 hualli.

Inic ontetl , amotiçtlapiçtenehuaz initocatzin intotecui-
 yo Dios.

Inic etetl, tielatecomatiz, ipanilhuitl pialoni, amotitlate-
 quipauoz.

Inic naubtetl, tiquinmahuitziliz, inmotatzin , ihuan in
 monantzin.

Inic macuilitetl, ayac momac miquiz.

Inic chiquaçentetl, amotiahuilnemiz.

Inic chicontetl, amotitlachtequiz.

Inic chicuetetl, amotitretçtlapiquiz. Amotitiztlacatzin.

Inic

Inic chicnauhuetl, amotiçelehuiz intenamic:

Inic matlaçetl, amotiçelehuiz interlatquiel.

Yninmatlaçetel theotenahuatilli, itechontlamantli theotenahuatilli çentzauhroc; yehuatl inic ticmotlaçotiliz in totecuiyo Dios, ipan nochi in ixquich in quexquich tlachibualli ihuan inic tiçtlaçotlaz in mohuampouh in iuhrimonoma tlaçotla. Maiuhmochihua.

Içcatqui Initheotenahuatiltzin in Tonantzin

Santa Iglesia.

YNitenahuatiltzin in Tonantzin Santa Iglesia camacuiltetl.

Inic çentel, in Domingo, ihuan ilhuitipan huelçenmaçitica Miſſa mocaquiz.

Inicontel, neyolmelahualoz, ipan in Quareſma, anoçohiquac aca ye miquiznequi: anoçohiquac çeliloz ininacayotzin in totecuiyo Jeſu-Chriſto.

Inic etetl, çeliloz ininacayotzin in totecuiyo Jeſu-Chriſto iniquac xochi Paſqua.

Inic nauhietl, neçahualoz iniquac morenahuatilia in tonantzin Santa Iglesia.

Inic macuiltetl, içtlamanaloz intlamatlaçetilia, in itoca Diezmos: ihuan intleinyancuicanmochihua; initoca Primicias. Maiuhmochihua.

Içcatqui in Theoyoticapatli Sacramentos.

YNI Sacramentotzin, in Tonantzin Santa Iglesia cachicontlamantli.

Inic çentel, yehuatl, in Nequatequiliztli.

Inic

Inic ontetl, yehuatl, intheoyotica Techicahualiztli : ne-
quailpiliztli, Confirmacion.

Inic etetl, yehuatl, inneyolmelahualiztli.

Inic nauhtetl yehuatl iniccliloca, in nacayortzin in totec-
cuiyo Jesu-Christo.

Inic macuiltetl, yehuatl, intheoyotica temachioiliztli,
inic tomiquiztempam timachioilô.

Inic chiquacentetl, yehuatl, intheopixcayotl.

Inic chicontetl, yehuatl, intheoyotica nenamistiliztli.
Maiuhmochihua.

Izcatqui ini Neltococatzin in totecuiyo Dios.

CA matlac tlonahui. Ynchicontetl itechtzinco po-
hui in totecuiyo Dios inic theotl. Anh inic chī-
contetl itechtzinco pohui in totecuiyo Jesu-Christo
inic oquichtzinli.

Izcatqui in chicontetl itechtzinco pohui in totecuiyo
Dios inic theotl.

Inic centetl neltocoz : inçel theotlcaçenhuelitini.

Inic ontetl neltocoz : ca Teratzin in totecuiyo Dios.

Inic etetl neltocoz : ca Ipiltzin in theotl Dios.

Inic nauhtetl neltocoz : ca in totecuiyo Dios Espiritu
Santo.

Inic macuiltetl neltocoz : cateyocoyoani, thechiuhqui.

Inic chiquacentetl neltocoz : catemaquixtiani.

Inic chicontetl neltocoz : catenecuiltonoani.

Izcatqui in chicontetl in itechtzinco pohui into-
tecuiyo Jesu-Christo inic oquichtzinli.

Inic centetl neltocoz : ca in totecuiyo Jesu-Christo omo-
oqui-

oquich nacáyotitzino itlamahuicoltica in Espiritu Santo.

Inic ontetl neltocoz: ca in totēcuiyo Jesu-Christo omo-
tlacatiltzino itechcopatzinco in Santa Maria, auh
ichpochtzinliomo cauhtzino in ayemo omo tlacachi-
huili. Aub ipan Initlacachihualtzin, ibuan çatepan
ca omo tlacachihuili.

Inic etetl neltocoz: ca intotēcuiyo Jesu-Christo omotlai-
biobuilti, ihuan omomiquili inic otechmomaquixtiliz-
quia intitlatlacoanime.

Inic nauhtetl neltocoz: ca omotemohui miçtlan auh
equin moquixtli inim anima, inim yolia in qualtin te-
rahuan in ompa equi chixticatca initlaçomahuiz hua-
lialtzin.

Inic macuiltetl neltocoz: ca ei ilhuinicaomez calitzino
intlan iomimique.

Inic chiquaçentetl neltocoz: ca omo tlecabui ilhui-
cac.

Inic chiconetl neltocoz: ca hualmohuicaz inic quin mo-
tlatzontequililiquiuh in yolque, ibuan in mimique,
inic in qualtin quin momaquiliz in çemicac Papaqui-
liztli Gloria, ypampa hneloquipixque initheotenahua-
tiltzin in Dios. Aub in amoqualtin quin momaquiliz
in çemicac tlaibihuiliztli miçtlan, ypampa amo hnelo
quipixque initheotenahuatiltzin in Dios.

Maiuhmochihua.

Izcatqui in Theotlatlauhtilli itoca Sabana Santa.

THeotl e, in otitech mocahuilitebuac in motlaihyc-
huilizmachiotzin, inlateochihualiz izraçtilmat-
zinli

zintli, inic oquimiloloc in motlaçomahuiz nacayotzin; in-
 motlaçomahuiztlaçtzin, iniquac ipampatzinco in Josep
 oti mohuiloc itechpa inquahnepanelli in Cruz, maxi-
 techmoicnoitili theotlaroapic. Maipampatzinco in mo-
 miquilitzin, ihuan in momiquetecochtzin, matihuicocan,
 necuiltonolayan papaquiloyan, incampa çemicac timo-
 yolititzino, ihuan timotlatocayotitzinotica, inahuact-
 zinco in Dios Tetatzin. Maiuhmochihua.

IZCATQVI IN THEOTLATOL
tlatlaniliztli.

- P.** Maxinechilhui quezquintin in Theheo?
P. R. Caçehuelnelli Theotl.
P. Campa moyeztica in Theotl?
R. Ilhuicac, tlalticpac ihuan nohuian moyeztica.
P. Aquin oquimochihuili in ilhuicatl ihuan in tlalticpatli?
R. Iehuatzin in totēcuiyo Dios.
P. Ac yehuatzin in Theotl?
R. Iehuatzin in Theoeitiliztli in Santissima Trioidad.
P. Ac yehuatzin in Theoeitiliztli in Santissima Tri-
 nidad?
R. Iehuarzin in Dios Tetatzin, ihuan Dios Ypiltzin,
 ihuan Dios Espiritu Santo, eintzitzin Theotlacatzit-
 zintin ahuçaçe huelnelli Theotl.
P. Yn Tetatzin cuix Theotl? **R.** Quemacatzin.
P. Yn Ypiltzin cuix Theotl? **R.** Quemacatzin.
P. Yn Espiritu Santo cuix Theotl? **R.** Quemacatzin.
P. Cuix

P. Cuix eintin in Thetheo?

R. Amotzin ca ççe huelnelli Theotl, auh iomanel merzticare eintzitzin Theotlacatzitzintin itechtzinco in Theotl ççe huelnelli Theotl mochiuhztinoticate ipampa çanhuel çentzin in Theoielitzin.

P. Intech copatzinco in eintzitzin Theotlacatzitzintin ac yehuatzin inoquichtzintli omochiuhztino?

R. Yehuatzin ioic onterl Theotlacatzintli in Dios Ypiltzin, ca iniquac yeoquichtzintli omochiuhztino ticmotocayotilia Jesu-Christo?

P. Ac yehuatzin in Jesu-Christo?

R. Ya huelnelli Theotl, ihuan huelnelli oquichtli.

P. Campa omooquichnacayotitzinoco?

R. Ychpochxillantzino in Santa Maria, itlamahui çol-tica Espirito Santo, auh cahuelnellichenmaçica ichpochztintli, ihuan Dios inantzino.

P. Tleipampa oquichtzintli omochiuhztino in Dios Ypiltzin?

R. Ipampa ic otechmomaquixtilizquia in titlatlaco-anine.

P. Tlein oquimochihuili in torecuiya Jesu-Christo nican tlaticipac ioic otechmomaquixtilizquia?

R. Topampa omotlahyohuiltitzino, itlatocayopan, in Pencilo Pilato, quauhnepanoltitech omomaçoaltiloc, omotniquili ihuan otococ, omotemohui miçtlan, ei ilhuica, omomomaizcalitzino omotleca hui ilhuicac imaieç campatzinco in itlaçomahuiztatzin in çenhueltini Dios mehuiltiica, auh icompa hualmehuitiz ioic quinmotlatzontequililiquih in yolque, ihuan in mique.

P. Iniquac quauhi nēpanoltirēchōmomiquili in rotecuio
Jesu-Christo cuix omomiquili inic Theotl, neço inic
oquichtzintli?

R. Amo omomiquili inic Theotl caçan ixquich inic
oquichtzintli omomiquili.

P. Auh iniquacmiqui in tlalticpac tlatcatl, cuix ihuan mī-
qui iniyolia?

R. Amo, caçan ixquich miqui in tlalnacayo.

P. Auh, in tlalnacayo in tlalticpac tlatcatl, cuix çemicac
miqui?

R. Amotzin yeica cainihquac, açiz in tetlatzontequililiz
ilhuictl, ocçepa moçentiliz in inacayo ihuan iniyolia
inic mozealiz ihuan çemicac yoliz.

P. Campa iazquē iniyolia in qualtin iquacmiqui in im-
tlalnacayo?

R. Ompa ilhuicac ipampa oquimopielique in itenahuac
tltzitzihuan in Dios.

P. Auh iniyolia in amoqualtin campa iazque?

R. Ompa miçtlaniazque in icqui ibyohuizque in çemicac
tecoco, tetolini ipampa amooquipixque in itenahuatit-
tztzitzihuan in Dios.

P. Tleinquitoznequi Santa Iglesia Catholica?

R. Ynimçentlaliliz in qualtin tlanetocanime in huelnelli
momaquixtia in ihquac yetiliztica momiquilia.

P. Ac yehuaztin moyeztica itlantzinco in tlaxcalnēcza-
yotl in tlathochihualiztlaxcaltintli in motenehua tla-
çeliliz Sacramento?

R. Oncan moyeztica in rotecuio Jesu-Christo in huel-
nelli Theotl ihuan huelnelli oquichtzintli in iuhmo-
yeztica ilhuicac.

P. Auh iniquac ticcelizque tlein ticchihuazque?

R. Neçabualiztica raçizque ihuan neyolcuitiliztica in-
tla itlatemiçtiani tlatlacolli, ticpia.

P. Auh inic yeccan timoyolcuitizque tlein ticchiquaz-
que?

R. Timotenciolixmachitizque ticilnamiquizque intotla-
tlacol auh intemiçtiani tlatlacolli ticicuitizque neyol-
tequi pacholiztica, neçenca hualtiztica inic amo oc-
cepa chihualoz.

P. Auh inic timomaquixtizque tlein ticchihuazque?

R. Tic mopielizque in matlaçterl ihcotenahuatiltzi-
tzihuan in Dios ihuan in macuilterl itenahuatiltzitzi-
huan in tonantzin Santa Iglesia, ihuan in ixquichin-
quexquich in totechpohui ticpiazque inic ticmoyeçte-
quipanilhulizque in Totheotzin.


*Izcatqui iniyeçtenehualtzin in itlaçomahuiz nacayotzin
in totecuiyo Jesu-Christo.*


MAçenquizca yeçtenehualo in itlaçomahuiz nacayo-
tzin in totecuiyo Jesu-Christo, in itlantzinco in-
tlaxcal nezçayotl, in tlateochihualiztlatxaltzintli moyez-
tica. Auh noihuan inichipa huacanenentlatilitzin into-
tlaçomahuiznantzin Santa Maria, in campa aic oaçic
in tlatlacol peuhçayotl. Mainhmochihua.

Acto de Contricion.

NO Theotzin onitlatlaco, macihui nimoyolcocoa,
nimoyoltequipachoa ipampa onimizmotlatlacal-
huili, nimitzmonetoltilia inic aocmo nimitzmotlatlacal-
huiliz. Maxinechmotlapopolhuili.

○(LAUS DEO.)○





BA 733

V 235c





